

inter eos autem multi erant docti et nobiles, ut SS. Clemens, Ignatius, Irenaeus, Justinus, Cyprianus; ut Arnobius, Athenagoras, Origenes, Tertullianus, etc. Ergo.

R. 2º. Nego min. Nam plebs ignobilis et imperita multo magis suæ religioni, suis consuetudinibus suisque moribus adhærere solet quam viri nobiles et docti; et, licet novitatis ordinarie sit amans, non libenter tamen ad ea fertur quæ ipsius præjudiciis, cupiditatibus et commodis temporalibus opponuntur: atqui religio Christiana præjudiciis, cupiditatibus et commodis temporalibus plebis ignobilis, sicut eruditorum et nobilium, erat opposita; nihil namque plebs poterat exspectare nisi vexationes, gaudiorum profanorum privationes, supplicia et mortem: ergo.

§ IV.— De numero et fortitudine martyrum qui pro Christo sanguinem fuderunt.

Martyr idem est ac testis; martyrium igitur et testimonium sunt quid unum et idem. Quælibet facta non nisi per testes ad posteritatem transmitti possunt, sicut et ad absentes: unde Christus dixit Apostolis suis, Act. I, 8: *Eritis mihi testes in Jerusalem, et in omni Judæa, et Samaria, et usque ad ultimum terræ.* Ut firmius esset eorum testimonium, sanguine suo illud signaverunt, et multi alii, eorumdem sequentes exemplum, fecerunt similiter. Unde sit

PROPOSITIO.

Divinitas religionis Christianæ ex numero et fortitudine martyrum demonstratur.

Prob. Juxta historiæ monumenta fide digna, innumeri homines omnis ætatis, viri et mulieres, juvenes et virginis, docti et indocti, divites et pauperes, quorum plerique in primis Ecclesiæ sæculis extiterunt, mortem probrosam et crudelem pro fide Christi servanda subieciunt: atqui factum istud probat religionem Christianam esse divinam.

Nam 1º est miraculosum, *ut patet ex variis rationibus:*

1º ex numero martyrum; duodecim quippe millia millium, juxta communiorum sententiam, numerantur; 2º ex eorum conditione; fuerunt enim, *ut diximus*, viri et mulieres, docti et indocti, etc.; 3º ex tormentorum specie; horret enim animus meminisse suppliciorum quæ in eos exercebantur; omnes historici scriptores, ipsique pagani, commemorant cruces, equuleos, pectines, unguis ferreos, fustes plumbatos, picem bullientem, plumbum liquefactum, prunas ardentes, ferra carentia, bestiarum dilacerationes et quidquid crudelitatis malitia hominum excogitare potuit; 4º ex modo patiendi inter horrenda hujusmodi tormenta, Christiani etiam debiliores, mulierculæ et teneræ virgines erant placidi, tranquilli, alacres; pro tortoribus orabant, dicentes cum beato Stephano: *Domine, ne statuas illis hoc peccatum*, Act. VII, 59; 5º ex effectu persecutionis; nedum tanta crudelitas homines a Christiana religione averteret, eos e contra quasi alliebat; pullulabant ubique Christiani: unde hæc famosa Tertulliani verba: *Semen est sanguis Christianorum*, Apol. cap. 48. Accerrimæ autem hujusmodi persecutions per trecentos annos duraverunt. Quis autem bona fide negare poterit tam mirandam constantiam inter tot horrenda supplicia opus esse divinum ac verum miraculum?

2º Martyres bona fide religioni Christianæ adhærebant, alioquin mortem immanem non ita subiissent: at circa divinitatem religionis Christianæ falli non potuerunt: non potuerunt enim falli circa illius religionis divinitatem, nisi defectu examinis, vel defectu mediorum ad ejus divinitatem cognoscendam idoneorum: atqui neutrum dici potest.

1º *Non defectu examinis.* Repugnat enim tot hominum millia leviter et sine examine aliquam gravis momenti amplecti opinionem; multo magis repugnat eos crudelē patienter et voluntarie subire mortem pro tuenda opinione temeraria et absque sufficienti motivo adoptata. Ergo 1º.

2º *Non defectu mediorum*, etc. Nam religio Christiana divina est si vera sint facta miraculosa quibus nititur: atqui multi saltem ex martyribus facile cognoscere potuerunt

vera esse facta quibus religio Christiana nititur; illa enim facta supponuntur publica, diurna et s̄epissime iterata, multi autem martyres illorum fuerunt testes oculati aut coevi. Ergo 2^o, etc. Aliunde, etc. Ergo, etc. Unde *Pascal*, *Pensées*, cap. 28 : « Je crois volontiers les histoires dont » les témoins se font égorger. »

Solvuntur objectiones.

Obj. 1^o. Nec defectu mediorum veritati detegendae idoneorum, nec defectu examinis, sed fanatismo forsitan abrepti, decepti sunt martyres : ergo ex eorum numero et fortitudine non probatur, etc.

R. Nego ant. Constantia enim qua martyres oppetebant mortem placida et tranquilla erat, per tria saecula perseveravit, et etiam nunc perseverat in Ecclesia, in omnibus conditionibus inventa est, apud divites et pauperes, doctos et indoctos, juvenes et senes : porro hujusmodi determinatio tam constans, tam placida et tranquilla, fanatismo tribui non potest; fanatismus enim est quedam delirii species quæ mentem absque motivis et contra rationem abripit : at perabsurde diceretur constantiam martyrum quamdam fuisse delirii speciem ; quis enim credit tot viros, quorum opera propter sapientiam et eloquentiam nunc demiramus, vere fuisse delirantes? Ergo.

Obj. 2^o. Fieri potest ut martyres ex desiderio vanæ gloriae mortem oppetierint, nempe ut celebre acquirerent nomen apud posteros. Ergo.

R. Nego ant. Nam 1^o in primis Ecclesiæ saeculis proborum et indecorum erat in mundo nomen Christianum; vanæ gloriae igitur cupido ad illud desiderandum impellere non poterat. 2^o Pauci admodum inveniuntur qui pro vana obtainenda gloria mortem libenter subeant. 3^o Martyres nullo modo sperare poterant fore ut nomen suum celebre esset apud posteros; non ignorabant multos saltem ex iis qui pro fide Christi sanguinem effundebant, altissimæ oblationi tradendos esse. Ergo.

Obj. 3^o. Paganismus, Mahometismus et diversæ haereses suos etiam habent martyres : ergo ex numero et fortitu-

dine martyrum nihil concludi potest in gratiam religionis Christianæ.

R. Dist. ant. Suos habent martyres, sed multum est discrimen ipsos inter et martyres religionis Christianæ in genere, concedo; et nullum est discrimen, nego ant. Nam 1^o pauci sunt eorum martyres, nostri vero sunt innumeri; 2^o pro opinionibus speculativis, in quibus facilis est illusio, moriebantur ; nostri autem, praesertim in primis Ecclesiæ saeculis, pro asserendis factis publicis, sensibilibus, iteratis, circa quæ decipi non potuerant, mortem oppetebant; 3^o multi ex martyribus Judaismum et Paganismum deseruerant, ut fidem Christi amplecterentur, siveque pro nova religione moriebantur, quod saltem de plerisque falsarum religionum martyribus dici non potest : ergo ingens datur discrimen, etc.

Inst. Plerique martyres non fuerunt testes factorum quibus veritas religionis Christianæ nititur, ac proinde pro opinione speculativa moriebantur : ergo eorum testimonium non plus probat in favorem religionis Christianæ quam testimonium aliorum in gratiam falsarum religionum.

R. Nego ant. Nam 1^o multi fuerunt testes oculati sive miraculorum Christi, sive miraculorum Apostolorum, sive effusionis Spiritus sancti aliorumque prodigiorum; alii fuerunt testes coevi, et facile cognoscere potuerunt praedicta facta esse vera : atqui tales testes omnimoda fide sunt digni. 2^o Qui deinde a falsis religionibus ad Christum conversi sunt, stricto examini subjecerunt facta quibus veritas religionis Christianæ nititur, et similiter multi ex iis qui in Christianismo nati sunt sedulo fundamenta suæ fidei discusserunt : sic utrique plenam acquisierant certitudinem de existentia illorum factorum; his ergo factis testimonium vere reddebant, quando pro tuenda fide Christiana supplicia tolerabant et sanguinem fundebant. 3^o Tot millia millium puerorum, juvenum, virginum, mulierum, senum, etc., tam crudelia et acerba tormenta tanta fortitudine et patientia naturaliter sufferre non potuerunt : in eis ergo divina agnoscenda est operatio.

Nobis adhuc objiciuntur incredibiles Brachmanum apud Indos et Dervicharum apud Turcas austeritates, quæ morte longe sunt acerbiores. Sed in illis manifesta apparent insulsitatis et fanaticismus signa, et aliunde motivis humanis inspirari possunt, v. g. fama inde apud populum oriente, pecunia quæ sic acquiritur, facilitate libidinibus sub velo sanctitatis securius indulgendi, etc. Idem dicendum est de mulieribus quæ in India vivæ cum marito mortuo comburuntur; ad hanc enim combustionem a parentibus defuncti coguntur, et illam refugere non possunt quin perpetuam et intolerabilem sibi acquirant infamiam: atqui hujusmodi austeritates et supplicia nullo modo cum testimonio martyrum nostrorum comparari possunt, *ut patet*: ergo.

Obj. 4o. Plurimorum nefandorum criminum accusati sunt primi Christiani, v. g. infanticidii, comedius carnis humanæ, incestus, odii erga imperatores, et seditionis: ergo non mirum est si tanta severitate eos insectati sint principes et magistratus.

R. Dist. ant. Plurimorum accusati sunt nefandorum criminum, sed non fuerunt convicti, *concedo*; et fuerunt convicti, *nego ant.* Evidemrum rumore quadam identidem sparso, pluries dictitarunt pagani Christianos horrendorum scelerum esse reos; id concludebant ex imperfectis quas habebant notionibus mysteriorum nostrorum, præsertim sacrificii Missæ et Eucharistiae, ex eo quod viderent eos ordinarie tempore noctis convenire, et ex absurdis principiis et perversis actionibus quorundam hæreticorum qui sub generali nomine Gnosticorum designati sunt. At nunquam veri Christiani prædictorum convicti sunt criminum, alioquin edicta imperatorum adversus eos lata et sententiæ judicium mentionem de hujusmodi criminibus facerent. Solummodo quærebatur a martyribus an essent Christiani; quod si confiterentur, ad mortem mittebantur: si vero Christum abnegarent, statim liberi siebant: principes ergo et magistratus nullo modo persuasum habebant eos nefandorum criminum esse reos.

Nusquam autem rebellionis erga principes serio fuerunt accusati, nisi eo sensu quod legibus et mandatis contra jus divinum naturale aut positivum parere recusarent; in cæteris vero promptum imperatoribus præstabant obsequium: at in ea agendi ratione nulla est seditio vel rebellio, nisi dicatur principibus aliiquid evidenter contra jus divinum præcipientibus obediendum esse; quisquis autem rectam consuluerit rationem, nunquam id affirmare audebit. Ergo.

Præterea, si martyres seditiosi et rebelles fuissent, legio Thebana, quæ 6,600 bellatores complectebatur, vim injustam sibi illatam repulisset, nec tanta patientia crudelem mortem subiisset: fortissimi illi milites non ultiro, depositis armis, se trucidandos obtulissent. Insuper Tertull. in Apol. cap. 37, scribens ad senatum Romanum, asserit Christianos tanto tunc esse numero, ut ipsum imperium facile evertere possent, si arma contra suos persecutores suspicere vellent: nunquam tamen id tentarunt, licet immanissimis vexati tormentis. Nullibi denique legitur in historia Christianos fuisse rebelles; semper e contra in exercitibus, sicut in aliis publicis officiis, fidelissimos erga principes se præstiterunt. Ergo.

Plurima alia et invicta institui possent argumenta ad divinitatem religionis Christianæ demonstrandam, v. g. 1^o ex testimoniis auctorum profanorum, quod fecit *Bullet*, in suo hac de re opere jam citato; 2^o ex insigni victoria quam legio Militina, dicta *fulminante*, miraculose sub Marco Aurelio precibus suis obtinuit, circa quod legi protest dissertation *D. Weston*; 3^o ex singulari miraculo quo multi fidei confessores publice et diu perfecte locuti sunt, postquam lingua eorum, jubente Hunnerico rege Ariano, usque ad radicem fuit abscissa: factum istud in dubium revocari non potest. Vide *Fleury*, l. 30, n. 10, et *Godescard*, et præsertim opus cui titulus: *La religion Chrétienne prouvée par un seul fait*; 4^o ex perpetua et mirabili religionis Christianæ conservatione, etc.

Multipliciter igitur divinitas religionis Christianæ demonstratur. Si autem unumquodque ex eis quæ protuli-

mus argumentis seorsim sumptum sit invictum, et plenam animi convictionem obtineat, quanto majorem omnia simul juncta pariunt certitudinem! Sese enim corroborant, mutuam vim sibi præstant, intellectum magis ac magis illuminant et firmorem mentis adhæsionem suadent: unde, quicumque bona fide hæc omnia fidei nostræ fundamenta attente considerat et sedulo pensat, clarissima luce undique coruscante velut perfunditur, et statim in hæc Psalmistæ verba ex intimis præcordiis erumpit: *Testimonia tua credibilia facta sunt nimis*, Ps. xcii, 5.

APPENDIX HISTORICA

DE SAMARITANIS.

Propter idolatriam aliaque Salomonis delicta, permisit Deus ut, regnante filio ejus Roboam, decem tribus a Juda separarentur, et aliud sub Jeroboam efformarent regnum, III Reg. xi: hinc prima regni Israel origo, anno ante Christum 972. Timens Jeroboam ne forte ipsius subditi ad Judæos redire vellent, statuit quod deinceps Jerusalem non ascenderent ut ibi coram arca immolarent, juxta preceptum Domini, Exod. xxii, 17; Deut. xvi, 16; templo erexit in Dan et Bethel, ibique immolandum esse jussit: unde magnum cœpit existere schisma inter utrumque populum.

Amri, quintus post Jeroboam rex Israel, duobus talentis argenti optimum et aspectabilem emit montem¹ a quadam Somer, III Reg. xvi, 24; magnam super illum ædificavit civitatem quam nomine primi hujus loci possessoris vocavit Samariam, eamque caput regni sui fecit². Ideo totum regnum istud antonomastice vocatum est Samaria, et ipsius incolæ dicti sunt Samaritani. Hi autem Pentateuchum retinuerunt religiose servaverunt: at cunctos alias libros apud Judæos receptos et universas traditiones ab ipsis probatas constanter rejece- runt.

Anno mundi 3283, ante Christum 721, Salmanasar, rex Assyriæ, invasit regnum Israel, Samariam per tres annos obsedit, eam cepit, et Israelitas in captivitatem conversos Ninivem transtulit. Assaraddon, Sennacherib successor, versus annum mundi 3294 regnare incepit; paulo post Samariam iterum depopulavit et reliquos ejus habita-

¹ Leucis quindecim circiter a Jerusalem distantem.
² Anno ante Christum 924.

tores in Assyriam deportavit; alios vero eduxit populos de Babylone, Cutha aliisque regionibus, et collocavit eos in civitatibus Samariæ pro filiis Israel, IV Reg. xvii, 24, ut terram hanc desertam occuparent et exolerent.

Cum autem ibi habitare cupissent, non timebant Dominum, et immiter in eos Dominus leones qui interficiebant eos, ibid. 25. Nuntiatum est regi Assyriorum has gentes a leonibus interfici, eo quod legitima Dei terræ ignorarent; tunc ad eos misit rex unum de sacerdotibus captivis qui doceret eos legitima Dei terra, id est, legem Moysis. Nihilominus extranei illi populi speciales suos habebant deos, siveque, prolatos ritus cultui veri Dei commiscentes, quoddam religionis monstrum sibi constituerunt.

Quando Iudei, permittente Cyro, templum Jerusalem instaurare coeperunt, anno ante Christ. 535, eos perturbare et impedire conati sunt Samaritani, I Esdr. iv, 23; fortius adhuc obstiterunt illis, ubi viderunt eos moenia civitatis sub Nehemia extrudere tentantes, anno 434; illos tamen ab incepto opere cohære non potuerunt.

Ezdras autem de captivitate redux sacras sedulo collegit atque ordinavit Scripturas, easque novis scripsit characteribus, Chaldaicis videbile; in longa enim captivitate mos invaluerat apud Judæos vulgaribus utendi litteris, et veteres penitus oblieti fuerant. Samaritani vero, invidia erga eos accensi, hanc innovationem ipsumque novatorem semper detestati sunt, et etiam nunc detestantur, veteresque characteres, licet informes et valde injucundos, jugiter retinuerunt integros.

Vehementi zelo pro lege Dei inflammatus Nehemias, plurimos corrigerere studuit abusus inter populum grassantes: voluit in primis ut omnes qui alienigenas duxerant uxores, absque misericordia statim eas dimitterent¹. Quidam sacerdos nomine Manasses, II Esdr. XIII, 28, filiam Sannaballat, viri potentis inter Samaritanos, uxorem habebat: eam dimittere nolens, Judæos per veram apostasiam deseruit, et ad sacerdotum suum aufugit.

Sannaballat, pro rege Persarum Samariæ gubernator, licentiam obtinuit ingens ædificandi templum super montem Garizim prope Samariam, ibique generum suum summum constituit sacerdotem; ex tunc² cœperunt fieri quotidie in novo hoc templo sacrificia et ceremoniae quæ juxta legem Moysis fieri consueverant in Jerusalem: irreligiosi, impii et omnes perditi homines qui censuram alias poenas incurabant apud Judæos, confugiebant ad Samaritanos, et, more ab eis recepto, Deo in monte Garizim serviebant: sic, altare contra altare ereclo, excrevit divisio inter utrumque populum, obscursum est schisma, et multum invaluit odium jam existens.

Paulatim tamen ab idolatriæ ritibus recesserunt Samaritani, nec

¹ Anno ante Christum 466.

² Prideaux, t. 2, p. 288.